



12. august 2011

UKA2011/71

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Qeqertani kallerup inniliorfimmik pilersitsinissamik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Kristian Jeremiassen, Siumut)

Tunnngavilersuut:

Nunatsinni illoqarfiit nunaqarfiillu tamarnik kallerup inniliorfeqarput, taamaattorli Qaanaap eqqaaniittoq nunaqarfik Qeqertat kisiat pinnagu.

Qangali nunaqarfik Qeqertat inoqarpoq inuussutissarsiornikkut periarfissaqarmat inuisa najorpaat allaat Qaanaap eqqaani inuussutissarsiornikkut periarfissagissaarnerpaatut taaneqartarluni ukioq kaajallallugu piniagassaqaartuaannarnera pissutigalugu.

Siusinnerusukkut Inatsisartut suliusaat § 37 naapertorlugu uuma siunnersuutip suliarinnginnarani Naalackersuisunut apeqquteqaateqarpunga Naalackersuisullu akissuteqarput Nukissiorfiit siusinnerusukkut missiliuinerugallartumi ilisimatitsissutigaat Qeqertani innaallagissiorfiliussagaanni aningaasartuutissat 5,175 - 9,5 mio. koruuninik annertussuseqassasut tamatumalu kingorna ingerlatsinermut aningaasartuutaasussat.

Qeqertani radio tusarnaarsinnaanngilaat, tv isiginnaarsinnaanngilaat, radiotelefon-i ataasituaq atorreqarsinnaavoq, mobiltelefon-eqanngillat, internet-immillu allaat atuisinnaanngillat.

Nunatsinni issinnerpaartaasarfiata ilaanni inuuniartarput qaammaterpassuillu kaperlattarluni kallerup inniuliuteerannguaq kisiat isumalluutigalugu.

Maajip qaammataagaa Qeqertat tikippara innuttaasunillu ataatsimiisitsinermi innuttaasut isumaannik tusarnaarpunga pissutsinillu takuniaallunga.

Kallerup inniliorfik atorfissaqartinneqarpoq inuussutissarsiutitigut ineriartortitsissagaanni atorreqartussaq inuuniarnerannut oqilisaassaqisoq pisariaqartinneqaqisorlu oqariartuutigineqarpoq.

Qeqertani kallerup inniliorfimmik pilersitsinissamik neriuppunga Inatsisartut suliamut saqqummiunneqartumut akuersaarumaartut taamaasillugulu naligiimmik innuttaasut sumiikkaluartulluunniit atugassaqaartinneqarnissaat aammalu ineriartornissamut periarfissaannik aqutissiusseqataallutik.

Siunnersuutip aningaasatigut kingunissai

Naalakkersuisut § 37-risarisimasannut akissuteqaateqarnerminni oqaatigaat 5,175 – 9,5 million koruuninik akeqassagatinneqassasoq kallerup inniliorfimmik pilersitsisoqassagaluarpat. Tamannali missiliuinermiippoq isumaqarpungalu piviusorsiornerusumik aammalu angissusissaata pisinnaasassaatalu aaliangerneqarnerata kingorna aningaasartuutissat annertussusissai erseqqinnerulersinneqarsinnaasut.

Aningaasatigut matussusiinissaq Nukissiorfiup ukiuni aggersuni suliassami pingaarnersiuiinermigut aningaasassaqaartissinnaasaattut isumaqarfigaara aammalu nukissiuteqarnikkut pilersuisussaassutsip suliassap iluaniittutut isigaara.

Siunnersuutip allaffisornikkut kingunissai

Naalakkersuisoqarfiup missingersuusiorlutik misissuititsineq suliareersimammassuk allaffisornikkut pingaarnersiuiinermi suliakkersuutaangaarnissaa naatsorsuutigineqarsinnaanngitsoq oqaatigissuara.

Siunnersuutip Namminersorlutik suliffiutilinnut kingunissai

Namminersortutut suliffiutilinnut arlaannaatigulluunniit ajoqutaasinnaasutut kinguneqarsinnaanera taasassaqaanngilaq, killormuanik isumaqarpunga namminersortut sulisoreqataasinnaaneranut periarfissaq ammaassissaaq.